

O Molimau

Molimau #1

O afioga a le Alii.

Sa poloaiina Iosefa Samita e aua nei faaali atu papatusi auro i le lalolagi (tagai i le Mataupu Faavae ma Feagaiga 5:3). Faitau le Mataupu Faavae ma Feagaiga 5:6–10, ma vaavaai i mea sa mafai ona faasoa e Iosefa.

Atonu e te manao e maka se fasifuitau o loo ta'ua soo e le Alii i fuaiupu 5, 6, ma le 7.

- Aisea e te manatu ai e sili atu le mamafa i le Alii i lo tatou talitonu ma faalogo i Ana afioga i le Tusi a Mamona nai lo le tatou iloaina e i ai papatusi?

E faasino i le Tusi a Mamona, na aoao mai Peresitene Gordon B. Hinckley (1910–2008):



“O le faamaoniga mo lona moni, mo lona lelei i se lalolagi ua matele i le manaomia o se faamaoniga, e le maua lea i le suesueina o toega o mea po o le suesueina o le tagata soifua, e ui lava o nei mea atonu e aoga i isi. E le maua foi i le suesuega o upu po o suesuega anamua, e ui o nei mea e ono faamaonia ai le moni. . . . O le suega o lona moni o loo taoto lea i le faitauina o le tusi. O se tusi a le Atua. (Gordon B. Hinckley, “O Maatulimanu e Fa o le Faatuatua,” *Ensign*, Fep. 2004, 6)

Faaalu ni nai minute e mafaufau loloto ai i lou aafiaga i le suesueina ma le aoaoina mai le Tusi a Mamona. Mafaufau pe na faapefea ona aafia lou olaga i lau suesuega. Atonu e te manao e faamaumau nisi o ou manatu i lau api talaaga.

Molimau #2

O le mau a molimau e toatolu

Faitau le Mataupu Faavae ma Feagaiga 5:11–15, ma vaavaai po o ai o le a i'u ina faatagaina e le Alii e vaai i papatusi.

- O le a se mea na e vaai i nei fuaiupu e mafai ona mamana ai molimau a Molimau e Toatolu?

Mulimuli ane, o le a vaai Matini Harisi, Oliva Kaotui, ma Tavita Uitimera i papatusi auro ma molimau atu i lo latou moni. O le a e aoao atili e uiga i lenei tulaga pe a e suesueina le Mataupu Faavae ma Feagaiga 17.

I le ta'ua ai o Molimau e Toatolu, na aoao mai ai Peresitene Dallin H. Oaks o le Au Peresitene Sili:



E le feteena'i la latou molimau ma se isi lava molimau. E mafai e se tasi ona faafitia lenei molimau, ae mafai faapefea e se tasi ona faamatala mai nei alii e toatolu amiolelei ua afaatasi e tumau i lenei molimau ua faasalalauina e oo i le iuga o o latou ola i le feagai ai ma amusiaga e tele ma isi mea faigata na oo ia te i latou? E pei o le Tusi a Mamona lava ia, e leai se isi faamalamalama e sili atu nai lo lea ua tuuina atu i le molimau lava ia, o le faamatalaga paia a nei tagata lelei ma le faamaoni o e sa tautino atu le mea na latou vaai i ai. (Dallin H. Oaks, “O Le Molimau: Matini Harisi,” *Liahona*, Me 1999, 36)

Mafaufau e faitau le “O Le Mau a Molimau e Toatolu” i le amataga o le Tusi a Mamona po o le faia o se lisi o tagata o e na molimau atu ia te oe e moni le Tusi a Mamona. Mafaufau pe na faapefea ona faamalosia e a latou molimau lau molimau.

Molimau #3

O le Agaga Paia

Faitau le Mataupu Faavae ma Feagaiga 5:16 ma le Moronae 10:4–5. Faailoa mai pe faapefea ona faali mai e le Atua le moni o le Tusi a Mamona i Ana fanau.

- O a nisi o auala e mafai ona molimau atu ai le Agaga i se tasi e uiga i le moni o le Tusi a Mamona?

Na saunoa mai Glenn L. Pace, o lē sa auauna atu o se Epikopo Pulefaamalumu:



E leai lava se isi auala e maua ai se molimau ae e ala mai i le molimau a le Agaga Paia. E leai lava se isi mea e mafai ona e faalagolago i ai. . . . E tele faataitaiga o mau i le leai o se uiga o se faaaliga faaletino e mafai ai e aunoa ma le mauaina o le molimau a le Agaga Paia. O le liuaina e le oo mai i faaaliga faaletino mai le lagi. (Glenn L. Pace, “The Elusive Balance,” *New Era*, Mat. 1989, 49)

Fai se lisi o mafuaaga e te manatu ai o se molimau mai le Agaga Paia, o se sui o le AigaAtua, e sili atu ona taua nai lo faamaoniga faaletino e moni se mea. Mafaufau ia aofia ai soo se molimau e te lagona ua e mauaina e ala i le Agaga Paia faapea e moni le Tusi a Mamona.